



كان مسؤل عن قعدة كيف
 والترتيب لليالي الصيف
 فجأة اتعين في التثقيف
 يبعد هذا ويجيب هذا
 صدفة

جاب زملاءة بتوع المجوزة
 والمسطول من شرب البيوظة
 والمعبقري أبو فكر بلوظة
 يهاجموا ثوابت الدين بقزازة
 صدفة

قرب كل عديمي الذمة
 يطعنوا كل ثوابت الأمة
 وابتدا شغلة بجد وهمة
 ويحول افرحنا جنازة
 صدفة

جه تعديل واحتاج للمال
 كركر حبة وقاله يا خال
 خد نفسين وانقلني المحال
 حنة تكون كدة ع المفرازة
 صدفة

طلع الأمر لأبن عزيزة
 يشغل حنة فيها الطرابيزة
 فوقها بريزة وتحت بريزة
 رشوة يخذها من غير ماذا ؟
 صدفة
 قالموا تعيش وتدوم لي يا باشا

نار المشيشة محتاجه ماشة
والمواد نفسه ف قرص بوغاشة
وعينيه ح تطلع ع الميزاة
صدفة

قاله اديني كام فدان
أشي ع البحر أشي ف أسوان
نعمل فيها كام دكان
نقطة رقاصة ومهر جوازة
صدفة

وقف المتر بنص جنيه
والتسجيل والدمغة عليه
وابتدا يبني شاليه ف شاليه
ويعلن عن اسعار ممتازة
صدفة

هجم المال ولما فيض النهر
وحظه اتغير من غير زهر
عدي المفقر وساب المقهر
وعمل الشركة باسم بلازا
صدفة

ولسه ليالي الكيف معقودة
فيها الناس تتباع بالجودة
وضرايب كده غير محدودة
ع الصنارة وع الغمازة
صدفة

واعمل رحلة لأي وزارة
تلقي الكل معلق شارة
ادفع دوغري يا حاج بشارة
او قرارتنا تكون منحازة
صدفة

وف أي مسابقة فاشل بيفوز
مادام التصحيح بفلوس ونفوذ
يكسب بقي ابن الماراجوز
والمعدل ف مصر ادوله أجازة
صدفة